

LECTIO III.

Utrum S. Joseph fuerit sine labe conceptus.

Hæc est controversia percelebris cujus in gloriam S. Josephi piam decissionem gravissimi Doctores jam, jam referendi excogitavere. Pro illius solutione præmitto certum esse de fide omnes homines, excepta B. Virgine Maria, maculam originalem contraxisse et de facto contrahere. Ratio est quia Apostolus ad Romanos generaliter dicit: per unum hominem peccatum in hunc mundum intravit et per peccatum mors; ita et omnes homines mors pertransiit, in quo omnes peccaverunt. Et Tridentinum declarans; Non esse suae intentionis comprehendere in hoc decreto, ubi de peccati originali agitur. Beatam et Immaculatam Virginem Mariam, satis ostendit se omnes alios comprehendere. Post declarationem Tridentini in favorem Dei Genitricis, mihi videtur eandem aut similem, nisi fallor, in favorem Patris originalis Jesu revera admitti et defendi posse. Hæc est sententia cujusdam Actoris, cujus, supresso nomine, verba affert S. Bernardinus de Bustis; Utrum autem Joseph ab originali macula præservatus fuerit, ipse Deus novit qui talem sibi in Patrem putativum et gubernatorem humanitatis suae et dilectissimæ Sponsæ ac Matris suae purissimæ conjugem super omnes mundi homines elegit.

Nos hæc sublimia, &c.

R Deo gratias.

R Postquam ea omnia quæ de altissima dignitate nostri immaculati Josephi dixerimus,*Ortum traxit mare gratiarum quod in illum perenne con-

fluxit. ¶ Ergo sine labe originali fuit conceptus.—
Ortum....

—DIA 6 DE MAYO.—

LECTIO I.

—EX DOCTORIBUS.—

Expertus quoque est exilium Joseph multos post annos, suaque patientia ac laboribus Christum Jesum, Matremque Virginem servavit incolumes fugiens rabiem Herodis persequentis. Tanta erat humilitas Josephi, ut humillimæ Virginis unicus inter innumeram multitudinem hominum totius orbis Sponsus a Deo immortalis electus fuerit. Si enim Deus beatam Virginem ideo excelsam fecit, quia respexit humilitatem ancillæ suae, quare nobis credere fas non est, Sponsum vere humilem, nedum omnium in hominum genus humillimum eidem Virgini copulasse? Nomen Joseph ante Mariæ nomen locatur, ut mutua charitas Joseph et Beatæ Virginis præsignetur: quia si Christo propinquior est beata Virgo sanctitate, nec longius distat gloriosis meritis Sanctus Joseph—*Isid. I.*

Nos hæc sublimia, &c.

R Deo gratias.

R Joseph ut Sponsus Mariæ et Pater Jesus est valde bonus.*Bonus sanctis patribus quia per eum adepti sunt repromissionem. ¶ Et bonus existentibus in purgatorio; quia per eum habent requiem æternam. Bonus....

LECTIO II.

Utrum S. Joseph fuit sine labe conceptus.
Pro solutione sententiæ nostræ præmitto quod

in rebus de quibus nihil habetur certum, aut ex Scriptura, aut ex traditione Ecclesiae, aut ex communi sensu Patrum aut Theologorum, dummodo pietate consonum, si nec bonis moribus obstet, servanda est regula a S. Agustino tradita: Quidquid tibi vera ratione melius occurrerit, id scias fecisse Deum; atqui vera ratio, etiamque plures rationes revera occurrunt, ad defendendum conceptionem nostri Sanctissimi Josephi esse immaculatam; ergo juxta hanc regulam D. Augustini noster Joseph fuit sine labe conceptus. Uterius dicere possumus: In obscuris inspicere solet quod verisimilius est; et huic etiam asserto consonat celebris sententia D. Anselmi dicentis: In illis rebus, de quibus diversa sine periculo sentire possunt, nullum puta animae periculum, si sic exponimus divina dicta, ut diversis sententiis favere videamur, neque arbitror reprehendi debere; atqui quaestio nostra circa immaculatam conceptionem S. Josephi est revera obscura, quia in sacris litteris videtur aliqua esse documenta contra nostram sententiam, et alia divina eloquia dicentia, saltem indirecte, conceptionem S. Josephi fuisse immaculatam: Ecce Pater tuus et ego; ergo si Maria tamquam Dei Mater fuit immaculata, noster Joseph tamquam virginalis Dei Pater, oportuit etiam ut esset immaculatus.

Nos haec sublimia, &c.

R Deo gratias.

R Joseph autem cum esset justus et omni virtute praeditus audivit de Spiritu Sancto. *Quod est Patri proprium hoc tibi confero ut natum nomen imponas. V Te Joseph laudamus; te immaculatum confitemur. Quod, . . .

LECTIO III.

Utrum Sanctus Joseph fuit sine labe conceptus.

Probari possit haec nostra conclusio ex Sacra Scriptura dicenti, Mater Jesu, Maria, Joseph, ubi tres sacratissimas Personas Evangelista conjungit, et etiam insinuat juxta graves auctores, conjunctionem earum sicut in nominatione, ita in donis gratiae; nimirum debito ordine superioritatis et inferioritatis. In ordine gratiae, primus est Jesus ut Deus de Deo; secunda est Maria, ut Mater Dei naturalis; tertius Joseph, ut verus virginalis Pater Dei. In ordine gratiae Christus Dominus ita est in gratia liberationis a peccato originali, ut neque illud contraxerit, neque contrahere potuerit; tum quia est Deus, tum ex sua generatione a Matre Virgine, per virtutum Spiritus Sancti, B. Virgo Maria non contraxit peccatum originale, potuit tamen contrahere, et fuit revera ornata plenitudine omnium gratiarum sacratissimae humanitati Domini nostri Jesu Christi non debita; in tertio ordine est S. Joseph, qui minime quidem contraxit peccatum originale quod in illo, nempe, Patre virginali Jesu esset indecentissima macula, sed nullo modo plenitudinem gratiarum suae Sponsae debitam accepit; quamvis ut verus virginalis Pater Dei, ejus gratia accepta, superavit omnino gratiis omnium sanctorum et angelorum; quia ille est rex angelorum, patriarcharum, prophetarum, apostolorum, martyrum, virginum et sanctorum omnium.

Nos haec sublimia, &c.

R Deo gratias.

R Desponsata Mater Jesu Maria Joseph, *et ex hoc virginali connubio Virgini Filius nasceretur.

¶ Et Joseph Pater Domini meruit appellari.—Et ex hoc....

—DIA 7 DE MAYO.—

LECTIO I.

—EX DOCTORIBUS.—

Fuit Sanctissimus Joseph in sua genealogia sicut anima rationalis Dei unitatem representans. Cognito enim per Josephum in hac genealogia manifestato, excluditur multitudo deorum. Verbum autem Dei respectum dicit ad Deum Patrem producentem, et ad Spiritum Sanctum a Patre et a Filio spiratum, quibus trinitatem divinarum personarum cœlesti lumine hujus genealogiæ illustrati cognoscere possumus. De qua natus est Jesus qui vocatur Christus. Nomine vero Christi, tota exprimitur trinitas divinarum personarum. At divina felicitas utroque nomine Jesu et Christi explicatur. Hæc est enim vita æterna, ut cognoscant te solum verum Deum et quem misisti Jesum Christum.—*Isid. I.*

Nos hæc sublimia, &c.

R Deo gratias.

R Nostrum divinum Josephum a dilectissimis filiis suis pie invocantibus.*In officio honori suo elaborato. ¶ Numquam nobis deficere certissimum, quia Pater noster est. In....

LECTIO II.

Utrum S Joseph fuit sine labe conceptus.

De Patriarcha Josepho, qui Sancti Josephi fuit typus, dicitur: Deus Patris tui benedicat tibi benedictionibus uberum et vulvæ, ergo Pater Æternus benedixit S. Josepho benedictionibus uberum Mariæ, quæ vere benedicta, erat, quia ipsa B. Virgo po-

tum sui lactis immulsit Domino; unde illa mulier in Evangelio ait; beatus venter qui te portavit et ubera quæ suxisti; ergo etiam noster Joseph fuit benedictus in vulva matris suæ Abigail quæ dedit nobis virginem sine labe originali conceptum; ergo S. Joseph, in Patriarcha Josepho figuratus debuit participare de benedictionibus uberum et vulvæ Mariæ; et quoniam ex his benedictionibus quædam fuit liberatio ab originali peccato, certissime infertur S. Josephum debuisse esse participem hujus, benedictionis in gradu præservationis ab ipso conceptionis momento; ergo noster immaculatus Joseph inter omnes puros homines fuit similior Mariæ juxta Gerson dicentem; B. Joseph inter omnes homines puros similior Virgini gloriosæ: atqui non esset ita similior si non fuisset sine labe conceptus; ergo si inter conjuges quæritur major similitudo tam in nobilitate quam in moribus, et B. Virgo Maria concepta est sine macula originali; noster Sanctissimus Joseph ut verus ejus Sponsus fuit sine macula etiam conceptus juxta illud; Deus Patris tui benedicat tibi benedictionibus uberum et vulvæ. Si de Jeremia dicebatur: antequam exires de vulva sanctificavi te, de nostro Josepho videtur esse dicendum: fuit sine labe originali conceptus.

Nos hæc sublimia, &c.

R Deo gratias.

R Joannes Baptista sanctificatus fuit in utero, quia digito et voce Christum præsentem erat designaturus.*Sanctus Joseph operatus est in omnibus tamquam virginalis Pater Christi. ¶ Ergo Sanctus Joseph qui talia munera obivit fuit sine labe originali conceptus. Sanctus....

LECTIO III.

Utrum S. Joseph fuit sine labe conceptus.

Noster Sanctissimus Joseph cum fuisset sine labe conceptus, ita debuit confirmari in gratia ut numquam mortaliter peccaverit, numquam venialem peccatum fecerit; numquam minima quidem imperfectione suam sanctissimam animam maculaverit; et semper et pro semper non solum bonum sed etiam optimum in praxim debuit adducere; et sic operare debuit in omnibus diebus vitæ suæ, atque in omnibus operibus, desideriis et actis suis, tum mentis, tum corporis, tum animæ; et quoniam ita semper se gessit omnibus suæ vitæ diebus; ergo est revera immaculatus. Ulterius Maria et Joseph in animæ puritate æquiparantur a theologis, pro quibus omnibus sufficit sapientissimus quidem Joannes Gerson, dicens: Sicut decuit ut Maria tanta puritate niteret, qua sub Deo major nequit intelligi ut ait S. Anselmus, ita decuit ut Joseph tanta prærogativa polleret, quæ similitudinem et convenientiam exprimeret talis Sponsi ad talem Sponsam. Ergo sicut maxime conveniens fuit Deo, ut Maria, quæ erat futura vera Mater, Unigeniti sui præservaretur ab omni peccato etiam originali atque esset plena infinitudine gratiarum sicut Dei genitrici conveniebat, ita maxime conveniens fuit Deo ut Joseph fuisset sine labe conceptus, atque plenus gratia quasi infinita sicut decebat Patri virginali Dei; ergo est immaculatus.

Nos hæc sublimia, &c.

R Deo gratias.

R Licet inter Mariam et Joseph detur magna disparitas,*tamen ambo esse debuerunt sine labe

concepti. ¶ Atque ambo cum tota illa infinitate gratiæ quæ unicuique decebat. Tamen....

—DIA 8 DE MAYO.—

LECTIO I.

—EX DOCTORIBUS.—

Carnis et mentis nobilitate claruit Joseph. Nam ex patriarchali stirpe descendit Abrahæ ditissimi ac suorum descendit. Rationabile est autem tot fuisse fere generationes a quibus descendit Joseph ab Abraham, quot etiam fuerunt beatæ Virginis, quæ quadraginta et una generatione ab eodem descendit Abraham. Familia Joseph fuit domus David, et ab eo distans vigesima octava generatione: humilis et faber electus fuit a Deo in Sponsum beatæ Virginis et Patrem Salvatoris propter exaltandam humilitatem. Nam regio ac patriarchali juncta semini humilitas enarratur, cum Joseph humilis exprimitur de domo fuisse David. Et propter honorandam paupertatem: mirabilior demonstratur esse ipsa paupertas, cum nobilius exemplum paupertatis et humilitatis in Joseph Sanctissimo ostenditur.

—Isid. I.

Nos hæc sublimia, &c.

R Deo gratias.

R Ille solus o Pater noster divine Joseph,*tuas sileat laudes. ¶ Quicumque ex nostris te fideliter invocans, in necessitatibus suis senserit defuisse.— Quicumque....

LECTIO II

Utrum S. Joseph fuit sine labe conceptus.

Contra nostram conclusionem asserentem nostrum Josephum fuisse revera immaculatum sine

dubio dici posset; a regula generali conceptionis in peccatum solum inveniuntur excepti: Christus Dominus et ejus Virgo Mater et hoc ipso in ea regula generali includitur S. Joseph, ergo ille sicut ceteri homines in peccato conceptus est. Licet exceptio firmet regulam in contrarium, sed hoc non intelligitur de casibus qui similes sunt exceptis; nam in eis, quamvis specificè et explicite non reperiantur a jure excepti, exceptio non firmat regulam in contrarium; quia potius ab ea propter identitatem rationis excipiuntur, ratio est; Ubi eadem est ratio, idem jus est statuendum, jus rationis, paritatis, proportionis vel similitudinis praecepit in correlativis inventur. Ut noster Joseph esse et conceptus sine macula similem invenimus rationem, quia non solum Jesus et Maria sunt ex genere hypostatico verum etiam noster immaculatus Joseph, ita ut juxta Evangelium, sit unus ex sacra familia. Non solum invenimus similem aut eandem rationem sed etiam majorem; quia in terris et Jesus et Maria illi subjecti fuerunt; et de facto omnia agebat sicuti decebat illi qui fuit a Domino constitutus Princeps et Dominus possessionis suae. Ergo gratia immaculatae conceptionis illi concessa fuit propter mangam ejus affinitatem: cum Jesu et Maria, et propter altissimum munus ad quod fuit praedestinatus.

Nos hæc sublimia, &c.

R. Deo gratias.

R. Propter fidelium confugium parentes Christi vocari ambo meruerunt.*Et non solum illa Mater, verum etiam ille Pater. ¶ Quod est Patri proprium hoc tibi confero, ut natum etiam nomen imponas—
Et non....

LECTIO III.

Utrum S. Joseph fuit sine macula conceptus.

Quum diceretur certa fide esse tenendum doctrinam illam affirmantem conceptionem Domini nostri Josephi esse immaculatam, forte adversum eam dici posset illud S. Dionysii dictum; Non esse audendum dicere aut cogitare de illa supersubstantiali Deitate, neque de his, quae ab ejus mera dependent voluntate, praeter ea quae fuerunt nobis expressa in divinis eloquiis. Nobis videtur esse dicendum S. Dionysium tantum loqui de illis rebus, quae proponuntur ut certa fide teneantur, illae enim debent esse expressae in Sacra Scriptura, vel ab Ecclesia declaratae; nullo modo loqui de illis, quae licet in Scripturis non declarentur probabilibus tamen rationibus proponi posunt ut pie credantur. Nos autem nequaquam dicimus conceptionem nostri Beatissimi Josephi esse habendam de fide immaculatam, aut ita certam, ut secure negari nequeat sed tantum esse oppinabilem et pie credendam: Ergo conceptio immaculata a primo instanti S. Josephi non solum est quid pendens a mera Dei voluntate, sed videtur minime decuisse nostro Domino Jesu suum virginalem Patrem in peccato fuisse conceptum; atque si haec doctrina nunc est de numero oppinabilium expressa etiam ex divinis eloquiis dici potest convincentibus rationibus et magna Patrum Ecclesia auctoritate; ergo possumus quidem defendere conceptionem Divi Josephi fuisse immaculatam.

Nos hæc sublimia, &c.

R. Deo gratias.

R. Noster Sanctissimus Joseph Pater erat Christi sola mente.*Sanctissima Virgo Maria erat Mater

Piissima

31

mente et carne. ¶ Parentes tamen ambo et erat Pater ejus et Mater mirantes super iis quæ dicebantur de illo. Sanctissima. . . .

—DIA 9 DE MAYO.—

LECTIO I.

—EX DOCTORIBUS.—

Sicut laus Mariæ est laus Christi Filii sui, ita laus Joseph in præconium redundat utriusque Jesu, et Mariæ.—*Ger.*—Dignum arbitramur, Josephum ab hominibus valde honorandum, et magna veneratione, venerandaque celebritate, ac celebre festivitate colendum, quem rex regum tot honorum insigniis voluit extollere.—*Card. Cam.*—Nos allicit diva Maria ut Sponsum ejus veneremur et suscipiamus.—*Hier. Que.*—Placuit divinæ Sapientiae inclinari novissimis temporibus istis corda multorum ut justus Joseph et Mariæ virginale conjugium esse venerandum solenni cultu Ecclesiae docerent atque promoverent in suis devotis.—*Ger.*—Articuli fidei temporum successionem creverunt, non quidem quantum ad substantiam, sed quantum ad explicationem et expressam professionem, atque ad hoc opus elaborandum circa divinum Josephum nos pauperi et miseri Missionarii Josephini in Ecclesia Dei mirabiliter constituti sumus.—*Jos.*

Nos hæc sublimia, &c.

R. Deo gratias.

R. Coeleste decretum mundo aperuit noster divinus Joseph. *Patris coelestis vices gessit. ¶ Spiritus Sancti arcana, quæ in canticis et prophetis abscondita erant mirabiliter patefecit. Patris. . . .

LECTIO II.

Utrum S. Joseph fuit sine macula conceptus.

Propter similitudinem et comparisonem inter conjuges Mariam et Josephum etiam dicendum erit: Dominum S. Josephum fuisse ab originali macula præservatum, quia cum Deus, ut constat ex definitione Ecclesiae præservasset B. Virginem Mariam a labe originali ut ejus digna esset Mater, ergo dicendum est etiam præservavisse B. Josephum ut esset dignus Sponsus Mariæ, ac proinde ei similis et idoneus Pater ipsius Dei; cum hæc præsertim Josephi præservatio nec potentiae divinæ, nec ulli Sacrae Scripturae loco, nec quidem Ecclesiae judicio repugnet. Hæc consequentia eo videtur certa, quo constat ex Gersono dicenti: Unde sicut laus Mariæ est laus Christi Filii sui; ita laus Josephi in præconium utriusque redundat, Jesu scilicet et Mariæ. Et sic est adverso dicit Sapientia: quod dedecus Filii est Pater sine honore, similiter dedecus Sponsæ esset Sponsus sine honore derelictus: ergo revera fuit S. Joseph sine labe conceptus. Quia Deus elegit sibi Matrem immaculatam, per similitudinem et comparisonem, ita dicendum est Deum sibi elegisse et condidisse Patrem et Nutritium nobiliorem et Sanctissimum qualis fuerit si præservatus esset ab originali macula, sicut Mater Dei ejus Sponsa; quia inter Mariam et Josephum non solum datur similitudo, sed etiam aliqua aequalitas, ita ut juxta Augustinum: Quod Spiritus Sanctus operatus est, utriusque operatus est: ergo si Maria est sine labe concepta, etiam Joseph fuit conceptus sine labe.

Nos hæc sublimia, &c.

R. Deo gratias.

R. Maria est virginalis Mater Dei.*Noster Joseph est etiam virginalis Pater Dei. ¶ Ergo in Maria et Joseph est quaedam aequalitas tanti ad tantum. Noster Joseph....

LECTIO III.

Utrum S. Joseph fuit revera impeccabilis.

Noster Sanctissimus Joseph tamquam sine originali labe conceptus et in gratia confirmatus, fuit etiam revera impeccabilis quamvis juxta Sanctos Patres omnis creatura rationalis in actu existens est peccabilis seu in malum vertibilis atque remoto et ab intrinseco peccabilis; habet enim liberum arbitrium in utramque contradictionis partem vertibile, sed Patres loquuti sunt de ceteris hominibus et nihil dixerunt de nostro Josepho qui est unus inter homines. Dominus noster Jesus Christus, tamquam Deus verus de Deo vero, fuit impeccabilis ab intrinseco, id est, essentialiter, sed noster S. Joseph, sicut ejus Sponsa Maria fuit revera impeccabilis ab extrinseco, ratione, scilicet alicujus divini decreti quo numquam inefficax auxilium ei contulit, et sic per gratiam et privilegium suae vocationis fuit revera impeccabilis. Si juxta gravissimos quosdam auctores possibile est aliquam existere creaturam sua ipsa natura impeccabilem, forte tum dici posset quod et Maria et Joseph fuerunt revera impeccabiles, quia ambo sine culpa originali fuerunt concepti fueruntque ambo ita in gratia confirmati ut essent revera impeccabiles numquam possent peccare semperque et in omnibus diebus vitae suae bona non solum sed optima etiam facerent.

Nos haec sublimia, &c.

R. Deo gratias.

R. Magnus Paulus quamvis sanctificatus in utero persecutus est Ecclesiam Dei.*Ergo noster Joseph fuit sine labe conceptus, fuit confirmatus in gratia. ¶ Fuit revera impeccabilis per gratiam et privilegium suae vocationis et forte sui esse. Ergo....

—DIA 10 DE MAYO.—

LECTIO I.

—EX DOCTORIBUS.—

Ab infantia crevit, noster divinus Joseph, mecum, miseratio et ab utero egressa est mecum et partim consuetudine: cum sancto sanctus eris. Quam obrem excedit Joseph sanctis propter castam generationem; pulchra est casta generatio cum claritate, immortalis est enim memoria illius, quoniam apud Deum nota est, et apud homines. Joseph est generatio rectorum, et excellit ejus sanctitas gemmis undique circumdata radiantibus. Retro nempe radiat praeclarissima nobilitate; ante profundissima humilitate, supra praestantissima dignitate, infra mundissima peccatorum immunitate, intus virtutum magnificentissima puritate, a dextris erga Deum ardentissima charitate, sinistris in proximum ineffabili pietate.—
Isid. I.

Nos haec sublimia, &c.

R. Deo gratias.

R. Non potest divinus Joseph oblivisci nos filios suos.*Ille enim revera Pater noster es. ¶ Et de omnibus continuam memoriam habet et necessitatibus nostris continue subvenit. Ille....

LECTIO II.

Fomes peccati fuit omnino in S. Josepho extinctus.

Fomes peccati est qualitas distincta a sensualitate,

est inordinata concupiscentia habitualis, est ipse appetitus sensitivus quatenus hominem in bonum sensibile rationi prorsum contrarium inclinat. Non est peccatum, quamvis sic fuit appellatum, sed est solummodo effectus peccati et ad peccatum inclinatus et remanet in baptizatis non ut peccemus, sed ut resistamus et resistentes coronemur. In nostro S. Josepho fuit revera extinctus fomes peccati, quia fuit sine labe originali conceptus, quia fuit in gratia confirmatus, quia fuit omnino impeccabilis per gratiam et privilegium suae sanctae vocationis, quia singulare gratiae donum animo suo perpetuo inherens a Deo et Domino suo certissime accepit. Conclusio hæc nostra perfecta admodum congruit Gersoni dicenti; Fomes in actu primo fuit in S. Josepho prorsus extinctus; et etiam Sacrae Scripturae sic dicunt de nostro Josepho: Dilectus meus pacificus, id est, non habens absolute fomitem peccati. Sic etiam Rupertus agebat; Dilectus meus pascitur inter lilia, id est inter Mariam et Josephum; quia ipsi revera sunt lilia propter eorum virginales nuptias et castissimam cohabitationem. Maria et Joseph sunt duo purissima lilia inter quos pascitur purissimus Jesus; et non solum in Maria tanta fuit puritas ut in ea fomes peccati fuerit omnino extinctus sed in Josepho etiam adeo tanta fuit puritas ut fomitem peccati omnino haberet extinctum.

Nos hæc sublimia, &c.

R Deo gratias.

R Extrema inter quae medius est Jesus sunt duo lilia Maria et Joseph,*ergo si Maria fuit absque fomite peccati. ¶ Etiam absque fomite peccati fuit noster immaculatus Joseph. Ergo....

LECTIO III.

Fomes peccati fuit in S. Josepho revera extinctus.

Non solum fomes peccati necesse fuit, ut omnino esset extinctus in nostro Josepho, quia sine labe originali fuit conceptus, in gratia confirmatus, et impeccabilis per privilegium suae vocationis ad divinam paternitatem; sed etiam extinctus esse debuit, quoniam ipse datus fuit Mariæ ut adiutorium simile sibi. Circa illa verba: faciemus ei adiutorium simile sibi, S. Bernardinus Senensis sic agebat; Quomodo cogitare potest meus discreta quod Spiritus Sanctus tanta unione, conjugii, scilicet, uniret menti tantae virginis aliquam animam nisi ei virtutum operatione similimam? Unde credo Josephum fuisse mundissimum in virginitate, profundissimum in humilitate, ardentissimum in charitate, altissimum in contemplatione, sollicitissimum in omni salute ad similitudinem ejus Virginis Sponsæ, ut, videlicet, esset adiutorium simile sibi. Et quia noster Dominus Joseph, tum datus fuit in adiutorium simile quoad dona spiritualia et omnes virtutes ad matrimonium pertinentes; hac de causa si noster bonus Joseph multos per annos vixit et confabulatus est cum Virgine, eadem in domo habitabat, cum ea in mensa sedit, duxitque eam in Ægyptum et reduxit, magis ergo habuit pariter de illa, fomitem peccati extinctum, fuit impeccabilis per privilegium, fuit revera confirmatus in gratia et revera sine labe conceptus, alioquin non esset factus adiutorium simile Virgini Mariæ.

Nos hæc sublimia, &c.

R Deo gratias.

R Maria semper dilexit Joseph ex toto corde,*et

Joseph semper dilexit Mariam ex toto corde. ¶ Atque ambo dilexerunt se amore ardentissimo, castissimo et sincerissimo, sicut divinis Sponsis decebat, sicut almi parentes Christi. Et Joseph....

—DIA 11 DE MAYO.—

LECTIO I.

—EX DOCTORIBUS.—

Joseph pauperem fuisse divitiarum copia, sed nobilem complexionis excellentia, quod est totius nobilitatis fundamentum, et hæc quidem satis superque declarata fuere. Caruit ergo Joseph divitiis, ad vitandam superfluitatem, easque habuit ad necessitatem. Nec opere manuum victum quærere repugnat hominis nobilitati, sed ejus sæpenumero vilitati. Nam de nullo nobilitatis genere gloriari debet qui in sudore vultus sui, pane vesci minime valet. Mater enim nobilitatis natura, otium horret et extinguere conatur quantum potest.—*Isid. I.*

Nos hæc sublimia, &c.

R Deo gratias.

R Divinus Joseph omnibus filiis et filiabus suis copiosissima charitate se debitorem fecit.*Omnibus misericordiæ sinum aperuit. ¶ Et usque ad diem novissimum subvenerit nobis eum invocantibus.—
Omnibus....

LECTIO II

Quanta fuerit sanctitas nostri immaculati Josephi.

Primus inter omnes Sanctos, atque primus in Evangelio fuit canonizatus noster Sanctus Joseph, quoniam ante omnes alios de illius sanctitate solempne testimonium Spiritus Sanctus perhibuit dicens;

Joseph cum esset justus. De hac ergo eximia sanctitate agendum nunc est, cujus ut excellentia pateat præmittere debemus sequentia. Nomen justitiæ aliquando sumitur strictissime pro quadam ex virtutibus cardinalibus, et accipitur etiam pro complexione omnium virtutum, id est, tamquam de virtute universali, sicut agebat. D. Hyeronimus; omnium virtutum species sub uno justitiæ nomine continentur. Cur complexio omnium virtutum appelletur justitia? quia propter omnem actum virtutis adæquatur homo regulæ rationis et legis æternæ; et noster immaculatus Joseph adeo semper hoc modo est operatus, ut semper et pro semper latiori modo semper Dei voluntatem adimplebat. Ergo dicens Matheus; Joseph cum esset justus, dixit illum esse revera primum omnium sanctorum. Nomen justitiæ accipitur etiam pro gratia sanctificanti et pro ardentissima Dei charitate, cujus nominis ratio est, quia charitas et gratia non solum omnes in legem defectiones tollent, quatenus omne delent peccatum, sed etiam promptos nos efficiunt ad legem meritissime adimplendam nosque etiam adæquant supernaturali fini. Cum igitur intelligamus in evangelica canonizatione S. Josephi nomen justus, pro sanctus ex rationibus nuper allatis confestim sequitur ejus sanctitatem esse revera eminentissimam et maximam inter omnes Sanctos.

Nos hæc sublimia, &c.

R Deo gratias.

R Fuit in nostro immaculato Josepho maxima virtutis perfectio.*Tum propter excellentiam gratiæ et charitatis abundantiam tum propter eximium conatum in omni exercitio virtuoso. ¶ Per heroicis

omnium virtutum actus semper fidelissime operabatur. Tum....

LECTIO III.

Sanctus Joseph ita fuit sanctus ut virtutem universam possideret.

Noster immaculatus Joseph fuit justus, non solum justitia particulari, sed etiam universali omnes virtutes complectente. Nostra conclusio probatur ex patribus, nam S. Joannes Chrysostomus loquens de nostro Josepho, inquit; Vocatur justus, id est, justus in omni virtute, quod idem est ac perfectus; est enim iustitia generalis, quæ ex cunctis omnino virtutibus perficitur, juxta quem modum præcipue in Scriptura solet appellari justitia ut eum dixit; Homo justus verax. Et B. Albertus Magnus ait etiam; fuit ergo Joseph ita per constantiam fidelitatis, quantum ad justitiam pertinet, et per virtutem castitatis, quantum ad temperantiam, et excellentiam discretionis, quantum ad prudentiam, et per strenuitatem operationis, quantum ad fortitudinem; et sic in S. Josepho notatur excellentia quatuor virtutum cardinalium; ergo in nostro immaculato Josepho fuit complexus omnium virtutum ac per consequens justitia generalis et de facto universalem possidebat virtutem. Aderat ergo nostro immaculato Josepho libertas animi, maxime robur invictum, pudor eximius, plena justitia in omnibus, modestia Sponsi Dei Genitricis, prudentia summa, sed pietate in Deum verum maxime præstabat; et denique omnes virtutes in corpore et anima eminentiori gradu possidebat.

Nos hæc sublimia, &c.

R. Deo gratias.

R. Fuit Sanctissimo Josepho peccati fomes ex-

tinctus: ejus caro fuit sancta et immaculata.*Ejus caro fuit sancta et immaculata ante carnem Christi, ante carnem Matris Dei. ¶ Quin hoc deroget dignitatem carnis Christi cum ex ejus meritis proveniret Ejus caro....

—DIA 12 DE MAYO.—

LECTIO I.

—EX DOCTORIBUS.—

Permisit hanc fluctuationem Spiritus Sanctus ad tempus concuteré Joseph, quatenus a posteris hæc trepidatio vulnus dubietatis amputaret.—*Ger.*—Ut nomen Josephi digne in memoria hominum vertatur qui in Patrem Dei putativum assumitur.—*Alb. M.*—Devotio fidelium in Sancto Josepho multiplex ædificatio nomen.—*Ger.*—Jam in partibus occidentis Spiritus Sanctus seminavit in mentibus populorum ut singulares Sancto Josepho exhibeant honores, qua veneratione multa amoveri mala a fide catholica, et pluribus affici bonis fideles non ambigimus meritis ac precibus Sanctissimi Josephi.—*Isid.*—Ipse Joseph est clavis Novi Testamenti.—*S. Bernard.*—Non enim Spiritus Sanctus deficiet a movendis cordibus fidelium, donec omne imperium militantis Ecclesiæ, exultans divinum Josephum nova prosequatur veneratione.—*Isid.*

Nos hæc sublimia, &c.

R. Deo gratias.

R. Nomen Jesu imposuerunt Deus, Angelus, Maria et Joseph.*Deus quidem rem nominis præstando. ¶ Angelus predicendo, Maria imperando, et Joseph exsequendo. Deus....